

Na osnovu člana 100. Zakona o javnim nabavkama Bosne i Hercegovine (Službeni glasnik BiH broj 39/14) i člana 59. Statuta JU Kantonalna bolnica Zenica, donosi se

RJEŠENJE

I

Žalba nezadovoljnog ponuđača-žalitelja, „**HERCEGOVINALIJEK**“ **D.O.O. MOSTAR**, broj: 22-04-8001 od 13.11.2023. godine, izjavljena na Odluku o izboru najpovoljnijeg ponuđača JU Kantonalna bolnica Zenica, broj:01-02-7766/23 od 03.11.2023.g., donesene u predmetu nabavke robe, **MEDICINSKI POTROŠNI MATERIJAL 7. (SEDMI) KRUG** za potrebe JU Kantonalna bolnica Zenica (otvoreni postupak nabavke, tender broje: 11-85/23), **za Lot 16, usvaja se kao osnovana.**

II

Poništava se Odluka JU Kantonalna bolnica Zenica, broj: 01-02-7766/23 od 03.11.2023.g., za nabavku **MEDICINSKI POTROŠNI MATERIJAL 7. (SEDMI) KRUG** za potrebe JU Kantonalna bolnica Zenica (otvoreni postupak nabavke, uz namjeru provođenja e-aukcije, tender broj:11-85/23), u odnosu na Lot 6 i 7.

III

Nakon pravosnažnosti ovog rješenja ugovorni organ uputiće dopis Agenciji za javne nabavke BiH za poništenjem provedene e-aukcije za Lot 6 i 7, obzirom da su u e-aukciji učestvovali ponuđači sa neprihvatljivom ponudom, te nakon poništenja e-aukcije od strane Agencije za javne nabavke BiH, Komisija za javnu nabavku će izvršiti ponovnu ocjenu i vrednovanje ponuda i odabir najpovoljnijeg ponuđača te donijeti novu odluku u predmetnom postupku nabavke za Lot 6 i 7.

IV

Ovo rješenje stupa na snagu danom donošenja.

Obrazloženje

Dana, 15.11.2023.god. putem glavnog protokola Bolnice je zaprimljena žalba nezadovoljnog ponuđača Hercegovinalijek d.o.o. Sarajevo protokolisana pod brojem 22-04-8001, kojom se žalilac, obratio JU Kantonalna bolnica Zenica, sa žalbom na Odluku JU Kantonalna bolnica Zenica, broj:01-02-7766/23 od 03.11.2023.g. (Medicinski potrošni materijal 7. (sedmi) krug, otvoreni postupak, 11-85/23), u odnosu na Lot 6 i 7.

U žalbi podnosilac navodi slijedeće:

- 1) da je Odlukom JU Kantonalna bolnica Zenica broj: 01-02-7766/23 od 03.11.2023.godine, u predmetu nabavke, medicinski potrošni materijal 7. (sedmi) krug, otvoreni postupak, 11-85/23, za Lot 6 i 7, došlo do kršenja ZJNBiH, i to člana 3. i člana 54., sa prijedlogom da ugovorni organ ponovo preispita svoju odluku i primjenom jedinstvene metodologije u skladu sa dosadašnjom praksom stvarno procjeni najpovoljniju ponudu pristiglu ponudu za Lot 6 i 7 u otvorenom postupku za javnu nabavku robe, medicinski potrošni materijal 7. (sedmi) krug za potrebe JU KB Zenica, odnosno da posjeduje Odluku o rezultatima okončanog otvorenog postupka stavi van snage i zamijeni je drugom odlukom, iz razloga što ponuda ponuđača Shimadzu d.o.o. Sarajevo, nije u skladu sa tehničkom specifikacijom koja je tražena TD.*
- 2) Naime, dana 06.11.2023.g., putem maila primili smo Odluku o rezultatima okončanog otvorenog postupka, a koji se odnosi na javnu nabavku robe, medicinski potrošni materijal 7. (sedmi) krug za potrebe JU KB Zenica, broj odluke: 01-02-7766/23 od 03.11.2023.g., kojom smo u obrazloženju iste obavješteni da je nakon održane e-aukcije dana 30.10.2023.g. u 9,00 sati, za Lot 6 i 7 izabran ponuđač Shimadzu d.o.o. Sarajevo. Uvidom u odluku o izboru, utvrđeno je da su kao prihvatljive ponude dostavili ponuđači Shimadzu d.o.o. Sarajevo i Hercegovinalijek d.o.o. Mostar. Nakon završene e-aukcije, Komisija je jednoglasno odbarala kao najpovoljnijeg ponuđača za Lot 6 i 7, ponuđača Shimadzu d.o.o. Sarajevo.*

Naime, TD u Obrascu za cijenu ponude-Prilog 2 TD je traženo slijedeće: automatski jednokratni sistem za biopsiju mekih tkiva sa ergonomskom drškom mekog plimera za sigurno rukovanje, manipulacija 1:1, ehovizibilnost cijelom površinom, centimetarski označena kanula, integrisan nož za uzimanje uzorka 2 cm, dužine igle 15 cm, veličine igle 14G. Unutrašnji dijelovi građeni od polioksimetilena, igla zaštićena polietilenom, ne sadrži lateks i ftalat, a koju je žalitelj i dostavio u skladu sa traženom specifikacijom. U ponudi je ponuđač Shimadzu d.o.o .Sarajevo naveo da nudi proizvod Medcut, proizvođača Medax.Italija uz slijedeću specifikaciju: Jednikarni automatski sistem za biopsiju sa oprugom za histološku biopsiju mekog tkiva, sa okretnim mehanizmom za punjenje, sa dvije različite dubine prodiranja (11 ili 22 mm), a dužine igle 16cm, odnosno 160mm, a nigdje drugo u ponudi nije označena tražena dužina 15cm, odnosno 150mm (katalog strana broj:3).

*Dokaz: Tehnički spis za sistem biopsije mekog tkiva na službenom jeziku BiH,
Tehnički spis za sistem biopsije mekog tkiva na engleskom jeziku,
Katalog stranice broj:1, 2 i 3.*

Na slikama „tehnički list na engleskom jeziku“ i „tehnički list na službenom jeziku BiH“ na dnu lista koji se odnosi na ručku i plastične dijelove navedeno je da su izrađeni od polikarbonata sa acetalnom smolom, a u TD je traženo da su unutrašnji dijelovi proizvedeni od polioksimetilena, i ako obje sirovine spadaju u termoplastiku postoje evidentne razlike u čvrstoći, tvrdoći i otpornosti na habanje između njih. Takođe, na ponudi nisu označene ni navedene karakteristike iz specifikacije koje se odnose na iglu-odnosno da je igla zaštićena polietilenom. Niti je igdje navedeno da proizvod ne sadrži latex i ftalat, što je striktno zahtijevano tehničkom specifikacijom.

S obzirom da je na obrascu za cijenu ponude decidno opisana specifikacija koja se traži javnom nabavkom, vidljivo je da ponuda ponuđača ne odgovara sadržini istog, koji je tražen tehničkom specifikacijom TD.

Tražimo od ugovornog organa da se prema svim kandidatima/ponuđačima ponaša jednako i nediskriminirajuće, te da primjeni isti princip procjene usklađenosti ponuda sa zahtjevima TD, tj da ili odbaci sve ponude i ponovi nabavku (Shimadzu d.o.o .Sarajevo) jer nije ponuđena tražena dužina automatskog sistema, kod Shimadzu d.o.o .Sarajevo je dužina 16cm, a traženo je 15 cm i prihvati ponudu ponuđača Hercegovinalijek d.o.o. Mostar.

Zbog svega naprijed navedenog predlažemo ugovornom organu da po prijemu ove žalbe istu uvaži kao osnovanu te dalje postupi u skladu sa odredbama ZJN, odnosno da istu prolsijedi URŽ-u kojem predlažemo da nakon ispitivanja navoda iz žalbe istu uvaži, te da poništi okončanog otvorenog postupka, a koji se odnosi na javnu nabavku robe, medicinski potrošni materijal 7. (sedmi) krug, za potrebe JU KB Zenica, broj: 01-02-7766/23 od 03.11.2023.g., odnosno da donese odgovarajuću odluku na osnovu tačno utvrđenog činjeničnog stanja ili prihvati obje ponude iz gore navedenih razloga, ili obje ponude odbaci i ponovi postupak javne nabavke kako je i naloženo od strane URŽ-a

Prije upuštanja u osnovanost žalbe, u skladu sa odredbama Zakona o javnim nabavkama, utvrđivano je da li je žalba blagovremena, dopuštena, izjavljena od strane ovlaštene osobe i lica koje ima aktivnu legitimaciju na ulaganje žalbe.

**Žalba je blagovremena, dopuštena i izjavljena od strane ovlaštene osobe žalitelja.
Žalitelj je aktivno legitimisan na podnošenje žalbe.**

Podnosilac žalbe je Odluku o izboru najpovoljnijg ponuđača, broj 01-02-7766/23 od 03.11.2023.god. zaprimio dana 06.11.2023.god., elektronski, putem e-maila.

Član 101. stav (1) Zakona o javnim nabavkama BiH, definiše rokove izjavljivanja žalbe ugovornom organu i to najkasnije 10 dana po prijemu odluke.

Pošto je zadnji dan roka žalbe bio 16.11.2023.g. (četvrtak), a žalba je izjavljena dana 15.11.2023.god. znači da je izjavljena u zakonom predviđenom roku, te je blagovremena, a podnesena je od strane ovlaštene osobe, direktora Mirze Hasića.

Članom 97. ZJN BIH, propisano je: Žalbu može podnijeti svaki privredni subjekt koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili mu je mogla biti prouzrokovana šteta zbog nezakonitog postupanja ugovornog organa, a koje se u žalbi navodi kao povreda ovog zakona i podzakonskih akata od strane ugovornog organa u postupku javne nabavke.

Članom 102. (3) ZJN BiH, propisano je: „U postupku pravne zaštite žalitelj je dužan dokazati ili bar učiniti vjerovatnim postojanje činjenica i razloga koji se tiču pravnog interesa na podnošenje žalbe, povreda postupka ili povreda primjene materijalnog prava, koje su istaknute u žalbi, za koje zna ili bi trebalo da zna.

Komisija smatra da je žalba podnešena od strane ponuđača za kojeg je utvrđeno da postoji aktivna legitimaciju na podnošenje žalbe na odluku u predmetnom postupku, obzirom da je isti dostavio ponudu u predmetnom postupku javne nabavke, potrošni medicinski materijal 7. (sedmi) krug) za potrebe JU KB

Zenica, za Lot 6. i 7., i time dokazao postojanje pravnog interesa za dodjelu ugovora o javnoj nabavci, i time postojanja aktivne legitimacije na podnošenje žalbe.

Žalba je osnovana.

Na zatvorenom sastanku Komisije za javnu nabavku održanom 16.11.2023.god. sa početkom u 08,00 sati, a nakon pažljivog razmatranja žalbenih navoda, utvrđeno je sljedeće:

- 1) Uvidom u žalbu na Odluku JU Kantonalna bolnica Zenica, broj: 01-02-7766/23 od 03.11.2023.godine, činjenice i argumente, u odnosu na žalbene navode u odnosu na ponudu ponuđača Shimadzu d.o.o. Sarajevo, Komisija smatra da je žalba osnovana, obzirom da tehničke specifikacije ponude ponuđača Shimadzu d.o.o. Sarajevo, za Lot 6 i 7 odstupaju od traženog TD, na način kao je to navedeno u žalbi.

Komisija je stava da je žalbeni navod u formalnom smislu osnovan, i da isti treba usvojiti u cjelosti.

- 2) Žalitelj nije istakao svoje pravo na naknadu troškova postupka u skladu sa članom 119.st.1ZJN BiH, a ugovorni organ nije nadležan za rješavanje i povrat uplaćenih naknada troškova za rješavanje po žalbi kod URŽ-a, a drugi zahtjevi za troškovima nisu navedeni u žalbi.

Na osnovu navedenog Komisija predlaže:

-da žalbu žalitelja Hercegovinalijek d.o.o. Mostar, broj: 22-04-8001 od 15.11.2023.god., izjavljenu na Odluku o izboru najpovoljnijeg ponuđača, broj: 01-02-7766/23 od 03.11.2023.g., za nabavku robe, medicinski potrošni materijal 7. (sedmi) krug za potrebe JU Kantonalna bolnica Zenica (otvoreni postupak nabavke, tender broje: 11-85/23), u odnosu na Lot 6 i 7., na osnovu člana 100.st.3 Zakona o javnim nabavkama BiH (Sl.novine BiH, broj:39/14, 59/22) a u vezi sa članom 101. stav 1 tačka d) (Sl.novine BiH, broj: 39/14, 59/22), usvoji kao osnovanu,

-da se stavi van snage Odluka o izboru najpovoljnijeg ponuđača, broj: 01-02-7766/23 od 03.11.2023.g., donesene u postupku nabavku robe, medicinski potrošni materijal 7. (sedmi) krug za potrebe JU Kantonalna bolnica Zenica (otvoreni postupak nabavke, tender broj: 11-85/23), u odnosu na Lot 6 i 7, obzirom da je Komisija utvrdila da su žalbeni navodi ponuđača Hercegovinalijek d.o.o. Mostar osnovani, a koji utiču na prihvatljivost dostavljenih ponuda ponuđača,

-da se nakon pravosnažnosti rješenja o usvajanju predmetne žalbe podnese dopis Agenciji za javne nabavke BiH za poništenjem provedene e-aukcije za Lot 6 i 7., obzirom da su u e-aukciji učestvovali ponuđači sa neprihvatljivom ponudom,

-da se nakon poništenja e-aukcije od strane Agencije za javne nabavke BiH od 30.10.2023.g., izvrši ponovno ocjena, vrednovanje ponuda, eventualno ponovo zakaže e-aukcija i izvrši odabir najpovoljnijeg ponuđača te donese nova odluka u predmetnom postupku nabavke za Lot 6 i 7.

Na osnovu naprijed navedenog, doneseno je rješenje kao u dispozitivu.

PRAVNA POUKA:

Protiv ovog rješenja može se uložiti žalba URŽ-u, putem ugovornog organa, u roku od 5 (pet) dana od dana prijema ovog rješenja.



Amel

Amel

Amel

